



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Períodu : Feveireu 2012
Edisaun : 20 Feveireu 2012

JSMP realiza treinamentu ba Journalista Rádio Komunidade no Journal iha Distritu Oe-Cusse

Durante lora nia laran, hahu husi 08-09 Feveireu 2012, JSMP liu husi Unidade Peskizador Jurídiku no Unidade Relasaun Públiku realiza treinamentu ba jornalista sira husi Rádio Komunidades no Journal Rejiaun IV iha Distritu Oe-Cusse.

Partisipantes treinamentu ba treinamentu ne'e kompostu husi jornalista rádio komunidade no jornál husi Distritu Oe-Cusse. Sira hot-hotuhamutuk ema nian 11 ne'ebé fahe ba (feto nain 1 no mane 10). Sira mai husi organizaun radio oi-oin partensia ba Rádio Komunidade Atoni nain 5, Radio Timór Leste nain 2, Journál Independente nain 1, Journál Bussines nain 1, Journál Diáriu Nasionál nain 1, no Journál Timor Post nain 1.

Matéria treinamentu ne'e ho nia tópiku "*Profesionalismu Journalista Harê Husi Aspeitu Legál*", ne'ebé kompostu ho nia sub tópiku iha kapitlu sira. Kapitlu primeiru ko'alia konabá âmbito média en-geral ne'ebé inklui: *Definisaun Média; no Funsau Média*. Iha kapitlu Segunda ko'alia konabá Journalista ne'ebé inklui: *Definisaun konabá Journalismu, Journalista no Funsau Journalista*. Tuir mai iha kapitlu ikus (III) ko'alia liu konabá aspetu ka baze legál ba servisu jurnalismu nian ne'ebé inklui aspetu sira hanesan: *Protesaun ba profesaun ba Journalista* ne'ebé inklui Konstituisaun da RDTL artigu 41, Konvensaun Internasionál (ICCPR) artigu 19, Lei Indonézia Nú 40/99, no Kódigu Konduta Journalista. Kapitlu ne'e mós subliña konabá "*Sansaun*" ne'ebé kobre artigu balu husi Lei Indonézia Nú 40/99, artigu sira husi Kódigu Penál.

Diretór JSMP, Luis de Oliveira Sampaio *haktuir katak durante ne'e JSMP hetan benifisiu substansial husi kontribuisaun média nia iha aspetu divulgasaun informasaun legál, tanbá ne'e JSMP kontinua organiza treinamentu ne'e ho objetivu atu apoiu no hametin diak liu tan koñesimentu jornalista sira iha aspetu legál.*

Konsidera importansia husi papél jornalista nian, JSMP hanoin katak importante tebetes atu hametin koñeseimentu jornalista sira nia kapasidade iha área legál inklui

prínsipiu no padroins sira ne'ebé regula no garantia servisu jornalista. Aliende ne'e jornalista sira mós bele iha koñesimentu konabá kódigu konduta hanesan mata dalan ida iha servisu loron-loron nune'é bele respeita nafatin direitu ema seluk.

Treinamentu ida ne'e nu'udar treinamentu ba dala ikus ne'ebé antes ne'e hala'o ona iha tinan kotuk iha distritu tolu mak hanesan Distritu Baucau, Suai, no Dili.

JSMP konsiente katak papél jornalista nian importante tebes iha nasaun demokrátiku hanesan nasaun Timór Leste, no jornalista nu'udar pilar importante ida husi Estadu Demokratiku ne'e rasik. Tanbá jornalista sira mak sai hanesan matan, tilun, ibun ba sociedade tomák. Atraves husi prezensa no papél media ka jornalista nian povu bele kontrola servisu governantes sira, hato'ó oponiaun, lamentasaun, sugestaun ba governu liu husi média ka jornalista no governu bele informa saída deit mak governu halo ka hala'ó atu hakonu direítu povu nian.

JSMP mós rekoñese durante ne'e JSMP hetan kolaborasaun no benefisiu ne'ebé mutuál entre JSMP no jornalista sira tanbá ne'e, JSMP sente orgullu hodi sai equipa no servisu iha espíritu kolektivu atu hari'í no promove justisa ba ema hotu.

Iha parte seluk partisipntes husi Radio Komunidade Atoni Oe-Cusse, Jose Fransisco Efi hateten katak *nia sente kontente tebes ho treinamentu ne'e tanbá JSMP bele hakat ba iha sira nia distritu atu hakle'an koñesimentu no fahe esperensia ba jornalista sira relasiona ho média, servisu jornalista ne'ebé haree liu ba iha aspetu legál.* Nia hatutan jornalista sira persija duni hatene konabá lei atu nune'é bele hala'ó servisu ho profesionál.

Partisipantes sira mós husu atu iha kontinuasaun ba treinamentu hanesan ne'e nune'é bele aumenta sira nia koñesimentu liu-liu iha aspetu legál iha futuru.

Atu hetan informasaun klean favor kontaktu direitamente:

Luis de Oliveira Sampaio

Diretór Ezekutivu JSMP

E-mail: luis@jsmp.minihub.org

Landline: 3323883/7295795